



ЛЕНИНЭНЬ КИЯВА



1940 ие
СЕНТЯБРЯНЬ
4-це чи
98 (1250) №

ЛИСИ: 10-це ие,
12 № ковс

ВЛКСМ-нь Мордовской обкомонтъ ды Саранск ошонь комитетэнтъ газетаст

По-большевицки ютавомс кочкамотнень

Ленинско-Сталинской комсомолонтъ эрямосонзо покш политической события. Колмоце чи молить руководящей комсомольской органтинь кочкамотне. Эсест отчетно-выборной собранияст комсомолетнэ большевицкой деловитость марто обсуждают первичной организациань комитетнень роботаст. Ютась кочкамотнень эйстэ минек явить кавто иеть. Неть кавто иетне комсомолонтъ туртов ульнест пек содержательнойкс. Особенна ВКП(б)-нь XVIII-де с'ездэнтъ мейле, зярдэ пек келейгадзь комсомолонтъ деятельности государственной ды хозяйственной строительствасонть. Ютась шкась комсомолонтень ульнест покш политической экзаменэкс. Сон еще вест невтизе эсь преданностезэ ды сплоченностезэ коммунистической партианть ды лична Сталин ялгавтень, што сон честь марто оправдывает партианть довериянзо государственной ды хозяйственной строительствань вопроствань решамосонть

Первичной комсомольской организацианть пек седе активна кармасть участвовать производствань эрямосонть, а тосо, косо арасть первичной партийной организацианть, комсомольской организацианть успешнасто возглавляють весе политической ды хозяйственной кампаниянень ютавоманть. Истямокс ашти Атяшевской районь "Парижская коммуна" колхозонь первичной комсомольской организациань, кона колхозсо теветь аравтызе истя, што сынт колхозось кода тунда видеамосонть, истя жо нейгак районсонть зани васенце тарканть. Производственной роботатнесэ комсомолетнэ аштити примеркс.

Коде невтити отчетно-выборной собраниянть, комсомолетнэ эсест руководителест пельде вешить весе роботатнесэ всесторонней участия. Ютась шканть перть комсомолонтъ пек кайсь культурной уровенезэ, особенна те неяви колхозонь комсомольской организацианть отчетно-выборной собраниянть. Теньсэ самай и лисить как истят покш требованиянть, конатнень сынь пред'являют эсь

руководителест туртов. Пек покш мель явови школань роботанть, ВЛКСМ-нь ЦК-нь X-це пленумонь решениянть то-павтоманть.

ВЛКСМ-нь ЦК-нь XI-це пленумонь решениянть кис по-большевицки бороцязь, комсомолонтъ пек кайсь самодеятельностезэ ды активностезэ. Тень можна неемс Сберкасань, пожарной охранань (Саранск ош) ды лия предприятиань исяк ютазь отчетно-выборной собраниянтьсэ.

Собраниянть убедительна невтити сень, кодамо покш тарка зани комсомольской роботасонть СССР-нь Верховной Советань президиумонть июнень 26-це чинь Указось. Комсомолетнэ решительно осуждают Указонь нарушительнень, производствань дезорганизаторнень ды летунтнень.

Колхозной комсомолонтъ собраниясонзо центральной вопросок ашти СССР-нь СНК-нь ды ВКП(б)-нь ЦК-нь сюронь урядамодо ды велень хозяйствань продуктань анокстамодо постановленианть эрямос ютавоманть кис бороцямось.

Руководящей комсомольской органтиэс кочкить сехте вадря комсомолетнень, конат эсь пси энергияст ды од комсомольской задорост невтизь трудонтень коммунистической отношениясонть. Кочкить истят комсомолет, конат способнойть педепес аштемс Ленинэнь — Сталинэнь теветь кис. Осоавиахимень центральной Советсэ комсомольской организациань руководителекс кочказь сехте паро комсомолетнэ: Лаптева ды Алексеева ялгатне.

Руководящей комсомольской органтиэс достойной ды способной комсомолетнень кочкамось — залог комсомольской роботань седеяк пек вадрялгавтоманть.

Кочкатано руководящей комсомольской органтиэс достойной комсомолет! Ютавтсынек отчетно-выборной собраниянть сарей идейно-политической уровенсэ ды большевицкой критикань ды демокритикань знак ало!

Меельсь часстонтъ

Канадань военной мероприятиянть

Нью-Йорк, сентябрь 2-це чи. (ТАСС). "Нью-Йорк Таймс" газетанть оттавской корреспондентанть сообщенианзо коряс, Канадань военной кругтнесэ яволять, што Канадань Атлантической побережьянть оборонительной системань созданиась веень шкастонтъ малав целанек прыдозь. Весе крупнейшей гаваньтнесэ аравтозь тяжелой орудият, весе посадочной площадкатнесэ улить

пулеметнень кис установкат. Береговой оборонань частьнесэ лавовить 13 тыща ломань. Канадань приморской провинциянтьсэ аравтозь зенитной орудият. Разработань воздушной тревогадо сигнальнень система. Канадской Военно-Морской флотос лови неень шкастонтъ 125 единица. Коде седе тов указывает корреспондентэсь, Галифакс портось ашти ней крупной военно-морской базакс.



СНИМКАСОНТЬ: (керш еядо витеев) Г. Хрусталева, Е. Деркаев—6 № школань тонавтницятне ды Л. Крукова, Т. Кусакина—12 № школань тонавтницятне (Саранск) молить школав.

Фотось Касперэнь.

ТАГО ШКОЛАСО!

Школьной звонокось тердинзе класс. Прыдовсть кизэнь каникулатне.

Радостнасто ды веселасто тонавтницятне ютавтызь каникулатнень. Ламот эйстэст ульнест лагерьсэ, эйкакшонь санаториясо. А вест эрсекшнест театрасо, киносо.

Ней, парсте, оймсемадо мейле, таго тонавтнеме. Вечксызь тонавтницятне эсест фельдшерско-акушерской школань уютной ды валдо класстэнь. Сынь капшазь ванкшныть стенатнесэ диаграмматнень, таблицатнень.

Истямо ванькс обстановкась, кона теэзь тонавтницятнень, кармавты эрванть эйстэст тонавтнемс ансяк парсте ды отличнасто. Школанть покш авторитетэзэ Мордовиянть тонавтницятнень ютксо. Те-

де кортыть истят кавто цифратне. Планонь коряс эряви примамс 315 ломань, заявляниантьнеде максозельть 518. Тонавтнемань истят отличиктне, кода Лида Кожаева, (Краснослободск), Ваня Локтяев, весемезэ эйстэст 37 ломань, примазь испытаниявтомо.

Тонавтницятнень улить весе возможность, штобу сынь развивали эсест способностест ды талантост. Тонавтыть эйсэст квалифицированной педагогт.

Особенна кеме дружба кирдить тонавтнемань отличиктне комсомолонь руководителтьнень марто, конат анокстыть эйсэст комсомолс, толковать тенст ВЛКСМ-нь программанть ды уставонть, таргить общественной роботас.

А. Болотин.

Панжовсь Советской Латвиянть учительтнень с'ездэсь

Рига, сентябрь 2-це чи. (ТАСС). Ушодызе роботанзо Латвийской ССР-нь учительтнень васенце с'ездэсь. Спортонь огромной кудось с трудом кельгстилизе республикань весе школатнестэ савкс малав 8 тыща ломатнень.

Спортонь кудонь залось наряжазь якстере флагтнесэ, цветсэ ды зеленсэ, стенасонть покш плакат—"Шумбра улезэ минек учителесь ды другось, народтнень вождэсь Сталин ялгась!"

С'ездэнь открытиянть састь Временной Верховной Советань Президиумонь члентнэ, Латвиянть коммунистической партиань руководителтьне, Лат-

вийской ССР-нь правительствань члентнэ. Латвийской ССР-нь Временной Верховной Советань Президиумонь председателесь профессорось Кирхенштейнс, конань лембестэ вастызь пурнавоетне, евтась вступительной речь.

Весе залонть бурной овациянень пингстэ с'ездэнь почетной президиумс ульнест кочказь ВКП(б)-нь ЦК-нь Политбюрось Сталин ялганть прявтсо.

Покш внимания марто с'ездэнь участиктне кувсолызь просвещениань народной комиссаронть Ю. Лацис ялганть реченэ.



Саранск ошсо XXVI-це Международной Юношеской Чинть празднуамось.

Фотось Касперэнь,

Ушодовствь комсомольской органиэнь кочкамотне

Собраниясь ютась активнасто

Собраниясь ушодовсь планонь коряс—чокшне 7 чассто. Комитетэнь секретаресь Фролкин ялгась яволятсь, што весемезе комсомолецт организациясонть 11 ломань; собранияс састь вейксэ. Вейкесь эзь са уважительной причинах коряс, вейкесь жо мейгак уважительной причинах, — те комитетэнь членесь Ефремов.

Ушодовсь отчетось.

—Ютазь кочкамотнеде мейле, — мерсь Фролкин ялгась, — шкась ютась малав кавто иеть. Те шканть перть минек масторонть эрямосо теевсь пек покш события. ВКП(б)-нь исторической XVIII-це с'ездэнь решенияне водушевили весе советской народонть производственной од победатнес. Сынь макссь комсомолонть государственной ды хозяйственной деятельностине келей права. Те шкастонть жо лиссь светс „ВКП(б)-нь историйнь Краткой курсось“ ды партийной пропагандо ВКП(б)-нь ЦК-нь постановленийсь. Комсомолецтне большевистской серьезносте марто кундасть большевизмасонть овладениянть. Минек организациянь ниле комсомолецт прыдызь „ВКП(б)-нь историйнь Краткой курсонть“ самостоятельной тонавнеманзо, остаткатне жо, конань аволь сэрй общеобразовательной ды теоретической уровенест, тонавнтить 3-це ды 4-це главатне.

ВКП(б)-нь историйнь самостоятельна тонавниятненень лексэкс ульнесь ютавтозь 9 ялгань собеседованият, 7 лекцият ды 4 теоретической конференцият.

ВКП(б)-нь историйнь тонавнемась макссь покш лекс комсомолецтне производственной роботаст вадрялгавтомасонть. Ламо комсомолецт низовой роботасто выдвинутойть ответственной роботас. Вана Ефремов комсомолецсь выдвинут Центральной Советэнь председателень заместителекс, эсензэ роботасо топавты образцовоистэ. Се отраслянт коряс, конасо руководит Ефремов ялгась, Центральной Советэсь Союзсонть зани васенде тарка. Левина ды Лаптева ялгатне выдвинутойть стрелковой школань инструкторкс. Эсь роботаст аравтызь весеменень примеркс.

Отчетной шканть перть партияс максозь кавксо сех вадря комсомолецт, конат достойны кандомс большевистской партиань членэнь ды кандидатонь высокой званиянть.

Седе тов Фролкин ялгась корятась седе, кода Осоавиахимень Центральной Советэнь комсомолецтне бороцить СССР-нь Верховной Советэнь Президиумонть июненъ 26-це чинь Указонзо топавтоманть кис. Тенсь комсомольской организациянь роботасо улить зярйя существенной асатыкст. Истя, примеркс, Когрышев комсомолецсь сеетсь симнесь винадо служебной тевензэ топавтома шкасто. Ды пачкодсь мик сезэ, што поздаясь роботас 55 минутас. Нама, Когрышев роботасо панезь, но комсомольской организациясь шкасто эзь прима эрявик мерат.

Отчетонть мейле ушодовствь преният. 10 комсомолецтне эйстэ прениясо кортасть кавксо комсомолецт. Эрьянт выступлениянзо ульнесь содержательной, деловой. Комсомолецтне ливтизь лангс, што зярйя вопрост комитетэнь отчетсонть овси нолдазь, кода, примеркс, комсомольской собраниянть мейле лият.

—Мон Осоавиахимень Центральной Советэнь первичной организацияс сын кода уш кото ковт, — корты Владимиров ялгась, — но комсомольской собраниясо ульнень весемезе ансяк қолмо разт. Те аволь секс, што планонь коряс ульнесь собраният ды мон эзинь сакшино, но секс, што собраниянть сеетсь сезневствь, эзь сакшино комсомолецтне. Лиясто жо собраниянть эзь ютавневствь комитетэнт чумонзо коряс. Докладчикесь овси эзе ефта, кода ютавневствь комсомольской собра-

нияне. Ютавневствь жо сын аволь се сэрсьэнт, конань аравтызь ВЛКСМ-нь ЦК-нь XI-це пленумонь решениянть. Вейкеяк собраниясо арась кунсолось комсомолецт сонзэ производственной роботасо. Арасель сатышка проверка максозь поручениянть топавтоманть коряс. Ульнесь решазь нолдамс МЮД-нь чинть стенгазета призывной пунктсо, но те решениясь атак топавто. Комсомольской организациянть берянь роботанзо кис чуман монгак секс, што мон ВЛКСМ-нь горкомонь бюронь член, но эзинь лезда кода эряви комитетэнтень. Кеминь Фролкин лангс.

—Мон од комсомолкан, — корты Левина ялгась, — комсомол совинь 1939 иестэ. Но мекс-бути комитетэсь эзь максне тень порученият. Фролкин ялгась весе тевтнень арси теэмс ансяк сонсь. Самая секс минек организациянть роботасо улить истят покш асатыкст.

Комитетэнт лавшо роботасо истяжо кортасть Костин, Лаптева ды лият. Роботанть максозь удовлетворительной оценка.

Комсомолецтне единодушна пурнызь комсомольской организациянть секретарькс Лаптева ялганть, сонзэ заместителекс — Алексева ялганть. Кавонест энергичной, од комсомолкат.

Отчетно-выборной собраниясь Осоавиахимень Центральной Советэсь ютась активнасто, деловой критика ды самокритика марто ды арасель нолдазь кочкамотнеде инструкциянть нарушения.

Пожарной охранань комсомольской организациянть отчетно-выборной собраниясто

Сентябрянь 2-це чистэ Саранской пожарной охранань первичной комсомольской организациясонть ютась отчетно-выборной комсомольской собрания.

Комсомольской организациянть секретаренть Тонких ялганть арасельть отчетсонзо невтезь весе сесть вопростнэ, конат интересуют комсомолецтне, ды самая секс ульнесь максозь пек ламо вопрост.

Отчетонть мейле ушодовствь оживленной преният. 7 комсомолецтне эйстэ прениясо кортасть 5 комсомолецт.

— Отчетной периодонть перть организациясонть полавтсь 5 секретарьт, — корты Антиненко ялгась.

—Самая те аштяк комсомолецтне ютксо берянь воспитательной роботань причинах.

Сон истя жо кортась партиань историйнть тонавнемасо асатыкстнеде. Комсомолецтне а яксить лекцияв, конань ютавтни ВКП(б)-нь горкомось, сынст ютксо а зрить ялгань собеседованият ды ламо лият.

Комсомольской организациянть роботасо ловозь удовлетворительнойкс.

Тайной голосованиясо организациянть секретарекс кочказь Аверьянов ялгась, заместителекс — Фиактистов. Аверьянов ялгась кочказь ВЛКСМ-нь городской конференцияв.

И. С.

АНГЛО-ГЕРМАНСКОЙ ВОЙНАСЬ

Сентябрянь 1-це ды 2-це чистэ германской авиациясь атакови изе Британской островтнень, английскоесь—Германиянть. Американской корреспондентнень сведеният коряс, немецне пек виевствэ колызь Бристольсь покш военной заводонть (Англиянь юго-западсонть). Сентябрянь 1-це чистэ германской самолетнэ ертсь 20 бомба Лондононь сехте населенной районтнестэ вейкенть лангс. Ульсь виев взрывть ды пожарт.

Авиациянь английской министерствась пачти, што сентябрянь 1-це чинть каршо вестэнт бомбардировазь Берлинсэ авиационной заводтнэ ды аэродромось.

Английской газетатнень авиационной обозревателтьне сакшнить выводс, што германской авиациянть тактиказо льякстомсь. Чить немецне ветить массовой атакат, конат нолдазь побережьян аэродромтнень каршо. Веть Англиянть вельксэ ливтнить одичной самолет. Сынь появакшнить сразу зярйя, вейкест-вейкест эйстэ васоло аштия таркатнесэ. Истямо ладсо германской воздушной тактиканть ней кавто целензэ: чинь налетнэсэ подавлять английской авиациянть, венсетнесэ—подорвать населениянть моральной состояниянзо, кандомс сонзэ атак удо ды дезорганизовамс промышленностень, секс што кувакшкань перть воздушной тревогатне лоткавтнесызь производствасо роботанть.

Английской даннойтнень коряс, августонь 26-це чистэ 31-це чис Англиянть лангс налетнэнь шкастонть германской воздушной вийтве емавтсь 293 самолет.

Германской газетатне сермадыть, што августонь меельсь недлянт перть англичантнень емавксост 441 самолет, августонь 7-це чистэ 31-це чис жо—1565 самолет ды воздушной заграждениянъ 177 аэростат. Германской авиациясь секе жо пканть перть емавтсь весемезе ансяк 406 машина.

„Фелькишер беобахтер“ германской газетась сермады, што Англиянть каршо войнась пачкодсь серьезной стадияс. Весе воздушной бойтне теевкшнить сехте сеетсь или Англиянть вельксэ или английской побережьянть маласо. Английской воздушной флотонть уш арась виез кирдемс германской авиациянть нападениянзо, ды секс германской бомбардировщиктне атаковать Англиянть аволь ансяк веть, но чинь пертькак. (ТАСС).

Ответ. редакторось А. ЩЕГЛОВ.